

續修四庫全書



《續修四庫全書》編纂委員會編

續修四庫全書

上海古籍出版社

一四五一・集部・別集類

寶奎堂集十二卷 篁村集十二卷續編一卷 (清)陸錫熊撰……………一


響泉集十八卷 (清)顧光旭撰……………二八七

香亭文稿十二卷 (清)吳玉綸撰……………四四五

知足齋詩集二十卷續集四卷 知足齋文集六卷進呈文稿二卷年譜三卷 (知足齋詩集卷一

至卷五) (清)朱珪撰……………六一九

道光己酉仲秋



孫男成沅謹重刊

寶奎堂集 原序

古之文章其能傳之不朽者類皆遭際盛世君明臣良得以雍容揄揚論述功德發明惇大之業推闡神聖之心垂諸千秋與詩書相表裏夫是故西京之體爲可貴也沿及後世文日卑弱好奇之士往往么韻孤絃別求傳世行遠之作而轉視古人沈博絕麗者爲靡曼不足爲一旦朝廷有大著作至于使命急宣乃局縮無可應惟刺取依樣葫蘆之語以爲常格如是此廬陵謂翰林無文章蓋不自今日始矣耳山先生由部郎改官詞館以文學受

寶奎堂集

原序

特達之知疊荷

聖恩晉階卿貳凡有經進之作莫不

嘉獎備至賚予駢蕃論者竊謂爲人臣子遭際如此豈非異數而不知其所以契合

上心者無他惟立言之得體也昔明末景濂參侍講幄凡詔誥賦頌多經其撰述嘗賜宴禁中天子至親賦醉學士歌以寵之今先生在翰林時自奉

旨纂輯各書外其制草及一切典禮諸章奏皆出其手

歲首

寶奎堂集
篁村集

〔清〕

陸錫熊
撰

據華東師範大學圖書館藏清道光二十九年陸成沅刻本影印原書
版框高一七六毫米寬二四〇毫米

重華宮小宴

召入聯句

賜如意畫軸以爲常是先生之著作與景濂同卽先生之榮遇亦無不與景濂同然則景濂開有明一代文章之運者先生又何不可爲

本朝之冠冕哉先生少穎悟讀書一過不忘撰文亦不假思索大率蘊蓄于中而騰躍于外故其氣宏深而博大其辭藻耀而高翔卽其使館往來賓筵酬贈隨作隨棄而吉光片羽流落人間亦自有冲和粹美氣象余讀

寶奎堂集

原序

二

寶奎堂文集竊歎先生已往而光景常新然後知文章自有道也余在京師辱先生下交與之言恆訥然不出于口及其縱論古今水利兵刑食貨諸大事數其利弊又如掌上螺紋始知其經濟之大非可獨于文字求之然卽以文字論固已自有不朽在若余者叨隨詞苑幾三十年其間凡四掌應奉文字而拘牽常格無所短長每憶先生酒坐之談真覺立咫尺焉而汗浹襟也
嘉慶甲子秋八月錢唐後學吳錫麒拜撰

耳山先生以著作才受知

高廟殊恩異數冠絕一時中年益有志經世之學乾隆五十七年以副憲董枝奉天遽卒于役未克大竟其居世爭惜焉 外大父王蘭泉先生爲作墓碑詳述生平并敘交契甚厚以時考之 先大父愛亭公同在詞館當亦有交誼余生也晚未獲知其梗概 先生文詩若干首自奏牘以及酬答莫不備具其體裁足爲圭臬而忠愛惓惓尤令讀者想見其爲人至襄定四庫全書及奉

寶奎堂遺稿

序

一

勅編輯者度于

中秘昭示來茲尤足以垂不朽嘉慶十五年詒嗣慶循刊寶奎堂集篋村集藏于家旋以海疆不靖板燬于火道光二十八年余建藩于豫哲孫成沅爲臬司李懼其遺澤將湮就行篋所攜原集謀復刊刻遵先志也夫爲人孫子者先人有美而弗彰不可謂之孝今司李刊先人之集其欲紹先人之業以補所未竟厥志殆未可量也司李勉乎哉今年冬以集見示且請序于余適余方哀輯 先大父愛亭公遺稿付梓因其有同志也遂綴

數語于簡端

道光二十九年仲冬朔

賜進士出身護理河南巡撫河南布政使司前翰林院
編修館晚生嚴良訓謹序

寶奎堂遺稿

序

二

昔寶鼎告重熙之瑞司馬陳盛藻於漢京介珪昭邺治
之符令狐輯長編於唐室厥後子元在官史通用簪君
實視事書局自隨後人豔其遇天下誦其書藝府望尊
才流宗仰副憲耳山先生根情苗言華聲實義意密
理粹致遠氣高游河上溯

堯年章成畫日絕越載爾禹蹟賦奏凌雲於是薇省影
纓槐廳珥筆口吐瓊書名高於鸞掖手揮霄翰譽播於
雞林輕縑素練之章瓊瑋玉杯之貴星舒雲布錦繁珠
零金壺乍瀉卽聖青泥琅簡新揮總疑素構與河間相

寶奎堂遺稿

序

國金版親弼玉箱共領柳蚪蜚聲於北府裴諷競響於
南省以一躍十駕之才正五方八體之繆用一揮九制
之敏擷四部六錄之華凡若劉略班藝虞志荀錄彙其
叢殘新其良朽蠶出者沙汰蟬斷者補苴考訂亡逸赤
軸紛羅研覈異同黃墨精謹鳩集維勤不遺玉屑龍章
丕煥大啟珠叢提要一書抗名百世息乎棘寺分司柏
臺建績猶念書藏宛委魚豕易譌何期記讀瑯嬛龍蛇
遇厄窮陰躔度瀋陽首塗積雪沍寒譽星揜曜騰帙所
畱鼎彝並肅傲覆轍於古今則撰列朝之史記棧車於

嶺海則考勝國之蹤爲發幽光則大節炳於細素能稽
殊俗則異聞識自契丹溯黃龍丹鳳以還問官則詳九
級增蒼雉青蛇之飾通志則載八旗聞攷京師三輔兼
搜其迹藁脩居正五代亦補其篇張侯遜此窺原紀勝
更逾蔥嶺元相存其少作編年復系篁村領辯悟異縉
句雕章輝煥炳蔚恢廓閑雅金絲互引玉石均調所以
激清風於八閩傳鉅製於四譯聆震雷之迅發景濃雲
之鬱興朝野望風山川增色袁翻變色於那穎李白低
首於宣城不徒泉頌雙龍谷記千蠋矣又能繼然自卑

寶奎堂遺集

序

三

惜焉若恤扼歆毋失縛紉不移炳燭不忘於垂暮勸書
卓越於當時擁旄三葉履操不異夫儒生清第百年誦
芬有待夫孫子芷泉司理篤念詒謀重哀遺集公續渡
江之後代顯國華士衡入洛之年先陳世澤守之於烽
燧驚心之後聚之於簿書鞅掌之餘以視詩編摩詰敬
念詰兄集著歐陽成由令子今之準昔尤有難焉長贊
後進叨陪前塵夙企瞻星氣而輝流翰苑願表忠宣奏
議之遺采風詩而近接麀孫兼志河雒同官之雅
道光二十有九年歲在屠維作噩陽月大興後學俞長

贊拜序

寶奎堂遺集

序

三

國家當重熙累洽治化光昭其時必有駿偉非常之彥
應景運以發揚盛烈班揚歌頌燕許文章所由與詩書
相表裏而光燄所在亦斷不與蠹簡殘編同其湮沒者
誠有以呵護之也道光丁未冬爾墉由京師來主彝山
講席始與司理陸君芷泉班荆道故旣而出耳山先
生寶奎堂遺集見示讀至半乃作而歎曰我
朝受

命有天下盛德大業遂古罕疇

高廟御宇六十年奮武揆文炳耀史冊復開四庫全書

寶奎堂遺集

序

七

館聚三古滙九流凡芝殿蘭臺及山岩屋壁之書無不
薈萃六幕同文非有劉向曾鞏之材不足以光藝苑而
垂令典先生與河間紀尙書同被

特簡值古今未有之遇讀古今未見之書所作全書提
要亦創古今未成之業猗歟盛哉爾墉生晚側聞父師
緒論私淑先生于數十年以前真如太山北斗顧終
以未讀先生全集爲憾今誦遺編庶稍快生平之向
往矣司理俯仰一官守茲集如天球圖璧出俸鐫板以
惠士林先生文章與氣運相感通天下汲古敏脩之

士自有藏名山秘枕中以流傳之者固非一時兵燹所
能操廢興之權況又得賢子孫如司理者乎顧先生
官通顯進御文字與友朋唱和流連山川所作必繁富
爾墉舊藏先生題畫詩手蹟亦亟錄付刊雖所補僅
止一篇而先生默相之應異日必有繼爾墉以副司理
之心者固可券也

道光二十九年十月後學浙西周爾墉謹序

寶奎堂遺集

序

二

芷泉司理重刻其 先祖副憲公寶奎堂遺稟竟請敘
于芬芳也何敢敘 公之集然竊惟 公與 先曾祖
司寇公爲同年進士又與 先曾伯祖中丞公交集中
有投贈諸詩時 先曾伯祖方開府武昌 公有粵東
之行中道而返詩卽經武昌時所投贈者也未有話到
脊令原上草涕痕重爲小中丞之句蓋 先高祖恭定
公暨 先曾伯祖 先曾祖相繼官巡撫世故以大小
二中丞別之小中丞謂 先曾祖也是時 先曾祖已
捐館舍矣烏乎 公之詩可謂纏綿悱惻哀婉切摯凡
在讀之者無不知 公性情之篤吾兩家交誼之厚況
在所施者之子孫有不油然而生感情焉雪涕者乎如是
則芬芳卽不文安可不敘 公之集矧重之以司理同官
之雅殷勤之請于是銳欲屬稟而恹惚鮮暇也適奉
恩命擢藩畿輔不日將與司理別矣遂書曩事而歸之
有以見吾兩家先世交契之淵源吾兩人離合之蹤跡
俾後之子孫有所考而勿忘焉若夫 公之通材碩學
鴻篇鉅製固已麗篆縹緗細黼黻宇宙世之讀公集者皆
能言之無俟芬芳贅一言以爲輕重也烏乎若司理之不

忘先澤亟亟焉抱遺集以刊之可謂孝思不匱永錫爾
類芬視之有愧矣承先啟後之規不於此見之哉道光
二十九年九月海豐後學吳式芬謹序

誥授通奉大夫都察院左副都御史陸公墓誌銘

青浦王昶撰

洪惟我

國家重熙累洽百數十載蘭臺石室所儲光燭雲漢而皇上稽古典學復開四庫全書之館用惠藝林先取翰林院所弄永樂大典錄其未經見者又求遺書於天下書至今仿劉向曾鞏之例作提要載於卷首而特

命陸公錫熊偕紀君昀任之公考字畫之譌者卷帙之脫落者篇第之倒置與他本之互異是否不謬於聖人

墓誌銘

一

及鼂公武陳振孫諸人議論之不同總撰人之生平撮全書之大概凡十年書成論者謂公之功爲最多公諱錫熊字健男一字耳山乾隆二十四年己卯舉於鄉二十六年辛巳成進士二十七年春恭遇南巡獻賦行在

召試入一等

賜內閣中書舍人旋充方略館纂修官時方奉

勅修通鑑綱目輯覽編撰以進當

上意遂進直軍機處三十三年十二月遷宗人府主事

繼擢刑部員外郎進郎中三十八年八月以撰提要稱旨改授翰林院侍讀四十年二月授右春坊右庶子未幾擢侍讀學士閏十月充

日講起居注官又充文淵閣直閣事四十二年春

孝聖憲皇后賓天凡大祭殷奠上

尊謚典禮嚴重應奉文字大學士于文襄公屬公撰進皆被

俞允四十五年六月授光祿寺卿四十七年五月授大理寺卿五十一年十二月提督福建學政五十二年二

墓誌銘

二

月授都察院左副都御史仍留學政任以五十五年春任畢旋京先是四庫全書之成也公任編輯不任校勘而

上命分寫七分自

大內文淵閣外

圓明園之文源閣熱河

避暑山莊之文津閣

盛京之文溯閣各虔一部又於揚州大觀堂鎮江金山杭州西湖皆建閣以虔之而前校勘者不謹舛錯脫漏

所在多有文溯閣書尤甚公以是書曠代盛典不可任其疵類乃請自往校之既而以爲未盡五十七年正月復往會春寒山海關道中冰雪凍洳比至奉天病卒預是書之役者衆矣公獨勤其事而歿可悲也公以文章學業受

特達之知故自四庫全書及通鑑綱目輯覽之外凡契丹國志勝朝殉節諸臣錄唐桂二王本末河源紀略歷代職官表攷奉

勅編輯見付

墓誌銘

主

武英殿刊刻者又二百餘卷每書成或

降旨褒美或交部議敘或

賜文綺筆硯之屬奏進表文多出公手

上閱而益善之故事歲初

重華宮小宴聯句惟

南書房翰林得與焉三十九年奉

旨召入并

賜如意畫軸後以爲常蓋異數也其餘

特賞

年賞

節賞書畫石刻等物不可勝紀奉使衡文累歲不絕充山西浙江鄉試副考官者各一充廣東鄉試正考官者一充會試同考官者二提督福建學政者一去取精審所得多知名士士論益翕然歸之公冲和純粹其色溫然其言呐然而穎悟明敏讀書一過無不洞悉貫串少時以詞賦入中書中年在詞館賓朋酬贈使節登臨四方仰重其名率以絹素來請所作繁富闕溢篋笥顧不甚珍惜輒爲人取去自以上蒙

墓誌銘

四

恩遇逾於常格不屑以詞臣自畫晚年益覃心經濟之學常取杜氏通典馬氏通考合以

本朝會典如食貨農田鹽漕兵刑諸大政溯其因革審其利弊口講手畫侃侃然可以見諸施行而惜其年之不永是以訃至京師賢士大夫莫不爲之曾歎累息者公生於雍正十二年甲寅十二月初二日卒於乾隆五十七年二月二十五日年五十有九世爲江蘇上海縣人諱鳴球者曾祖考也諱瀛齡以選拔貢生官安徽石埭縣教諭者祖也諱秉笏乾隆辛酉科舉人者考也三

代咸以公貴

封贈如其官配朱氏封夫人先公卒以恭順能佐內政
爲親黨所推子五慶循慶堯慶庚慶勳慶均皆孝友克
家女五人孫男四人惟松江陸氏世以文章著見公七
世從祖文裕公深在明宏治嘉靖間以通人名德望重
臺閣流傳翰墨汜今人寶貴之公官職略與文裕公等
若其掌著作而被

恩遇有文裕所未逮者且四庫全書定於

乙覽尊於冊府分布於海寓騰今邁古千載未有而皆

墓誌銘

五

公審定而攷正之世之讀提要者見其學術之該博議
論之純粹顯顯然如在目前所著寶奎堂文集篁村詩
集雖不盡傳其學可無憾焉已余與公居同郡先後同
官內閣同直軍機處文酒之會靡不同者輯覽之修余
先任其事尋以從獵木蘭而公繼之余嘗至上海過公
竹素堂方池老屋不蔽風雨清修舊德久而彌著然則
知公之深無逾於予者茲慶循等卜以嘉慶五年十二
月庚午葬於先塋昭兆奉狀請銘其何忍辭銘曰
魚圻之裔世以文名繫公繼之蔚其魁閎綜裁簡冊以

黻隆平入典書局出主文衡拔諸髦俊用爲國楨七略
七錄鉅編旣成正厥謬譌往來

神京風餐雪虐卒瘁于征吳淞遼水共此環瀛雲車風
馬其返邱塋文昌華蓋作作庚庚昭于幽竊後昆之亨

墓誌銘

六

寶奎堂文集原校姓氏

朱朝坤翁菴

黃廷符蓉村

黃廷珍岱雲

黃銘書詠樓

黃巖謙受齋

黃鼎慎菴

趙本東坨

喬淦葆堂

寶奎堂集

吳敬樞星宰

瞿應紹子野

李丙耀蘇菴

李鍾元硯香

唐國雍吟峯

重刊寶奎堂遺藁全集續校姓氏

章浩我泉

曹宗瀚嵐樵

朱世琪季廉

張紹英旭棠

程晉佑康侯

沈世功礪山

張孔傳述夫

方森子維

寶奎堂遺藁

王象儀苓塘

寶奎堂集目錄

上海陸錫熊耳山撰

卷一 制草 經 進文

孝聖憲皇后諡冊文

和碩誠親王碑文

工部侍郎內大臣三和碑文

封土爾扈特舍楞郡王冊文

封土爾扈特沙喇扣肯貝子誥命文

祭河神文

寶奎堂集 目錄

聖駕恭奉

皇太后南巡頌 謹序

聖駕四詣

盛京恭謁

祖陵禮成恭進樂府 謹序

卷二 經 進文 御試文

恭慶

皇上七旬萬壽樂府 擬上壽曲九章 謹序

聖駕五巡江浙恭紀 擬康衢問答辭

誠無爲論

擬爵李躬桓榮詔

擬循古節儉奏

耗羨有無利弊策

卷三 表 劄子

爲王大臣賀

平定緬甸表

爲王大臣賀

平定金川表

寶奎堂集 目錄

爲總裁進

平定準噶爾方略表

爲總裁進

御批通鑑輯覽表

爲在京漢官奏謝開科蠲漕劄子

爲熱河諸生謝設學建廟釋奠落成劄子

爲王大臣謝

賜清文鑑劄子

爲王大臣謝

賜御製詩三集劄子

卷四 劄子

爲王大臣謝

賜日下舊聞考劄子

爲王大臣謝

賜蘭亭八柱帖劄子

爲王大臣謝

賜重刻淳化閣帖劄子

爲總裁進

寶奎堂集 目錄

評鑑闡要劄子

爲總裁進舊五代史劄子

恭進乾隆三十九年

起居注劄子

爲軍機大臣議改定

郊廟行禮儀注劄子

爲總裁擬

進銷毀違礙書劄子

謝授翰林院侍讀

恩劄子

謝授右春坊右庶子

恩劄子

謝授侍讀學士

恩劄子

謝授日講起居注官

恩劄子

謝補光祿寺卿

恩劄子

寶奎堂集 目錄

謝授都察院右副都御史

恩劄子

謝

賜千叟宴詩劄子

卷五 策問

乾隆三十年山西鄉試策問三首

乾隆三十三年浙江鄉試策問四首

乾隆三十五年廣東鄉試策問三首

卷六 示 賦 論